

# RRUGA E PARTISË


ORGAN  
TEORIK DHE POLITIK  
I KOMITETIT QENDROR  
TË PARTISË SË PUNËS  
TË SHQIPËRISË

Adresa:  
«RRUGA E PARTISË»  
pranë KQ të PPSH - Tiranë

Pajtimet:  
për 6 muaj 15 lekë, 1 vit 30 lekë

shetit:  
18 lekë, 1 vit 36 lekë

Tetor 1983  
Viti XXX i botimit



## Përmbajtja:

- Përshëndetje e Komitetit Qendror të Partisë së  
Punës të Shqipërisë me rastin e 75-vjetorit të  
ditëlindjes së shokut Enver Hoxha 5
- ENVER HOXHA — Fjala me rastin e marrjes së  
Përshëndetjes të Komitetit Qendror të Partisë 10

### NGA PUNIMET E KONFERENCËS SHKENCORE KUSHTUAR MENDIMIT TEORIK MARKSIST-LENINIST TË PPSH DHE TË SHOKUT ENVER HOXHA

- Fjala e shokut Ramiz Alia 13
- F. ÇAMI — Revolucioni dhe ndërtimi socialist në  
Shqipëri — shembull i gjallë i vitalitetit dhe i  
zbatimit krijues të teorisë marksiste-leniniste 22
- S. POLLO — Mbrojtja dhe zhvillimi nga ana e  
PPSH i teorisë marksiste-leniniste të revolu-  
cionit 40
- P. KONDI — PPSH dhe shoku Enver Hoxha për  
Partinë dhe rolin e saj udhëheqës 54
- H. PAPAJOJGJI — Politika e PPSH dhe për-  
voja e saj në ndërtimin e ekonomisë socialiste 67
- Fjala e mbylljes e shokut Ramiz Alia 82

### ME RASTIN E 15-VJETORIT TË FILLIMIT TË BOTIMIT TË VEPRAVE TË SERISË TË SHOKUT ENVER HOXHA

- S. TARIFA — Vijë e kristaltë, vepra revolucio-  
nare 84

(vijon në faqen prapa)

**NGA PUNIMET E PLENUMIT  
TË KOMITETIT QENDROR TË PARTISË**

— Komunikatë mbi mbledhjen e Plenumit të 7-të  
të Komitetit Qendror të PPSH 96

**PROBLEME TË ZHVILLIMIT INTENSIV  
DUKE U MBËSHTETUR PLOTËSISHT  
NË FORCAT TONA**

XH. DAUTI — Mundësitë e rritjes së prodhimit  
bujqësor dhe e të ardhurave janë të shumta  
edhe në kooperativat e zonës kodrinore e ma-  
lore 97

**NGA VEPRIMTARIA  
E ORGANEVE TË PUSHTETIT  
DHE E ORGANIZATAVE TË MASAVE**

L. GJOLIKU — Aktivizimi dhe aftësimi i vazh-  
dueshëm i ndihmësgjyqtarëve popullorë rrit  
rolin dhe autoritetin e gjykatave, 107



**ENVER HOXHA**

**Sekretar i Parë i Komitetit Qendror  
të Partisë së Punës të Shqipërisë**

## PËRSHËNDETJE E KOMITETIT QENDROR TE PARTISE SË PUNËS TË SHQIPERISE ME RASTIN E 75-VJETORIT TË DITELINDJES SË SHOKUT ENVER HOXHA

I dashur shoku Enver,

Në këtë ditë të shënuar Tuajën e të Atdheut, në emër të Partisë dhe të të gjithë popullit, Ju dërgojmë Juve, shoku Enver, udhëheqësi e mësuesi ynë i shtrenjtë, përshëndetjet më të zjarrrta revolucionare me rastin e 75-vjetorit të lindjes dhe Ju urojmë nga zemra të rroni sa malet tona të larta, për të mirën e Atdheut dhe të çështjes së socializmit në Shqipëri.

Të gjitha fitoret historike të popullit tonë — krijimi i Partisë, çlirimi i vendit dhe vendosja e pushtetit popullor, ndërtimi i shoqërisë së re socialiste, janë të pandara nga emri dhe vepra Juaj. Në të tëra etapat e në çdo moment kyç, kur vendoseshin fatet e popullit e të vendit, kur është zgjedhur rruga që duhej ndjekur, mendimi dhe udhëheqja Juaj kanë qenë kurdoherë udhërrëfyese e përcaktuese.

Nën udhëheqjen e Partisë dhe duke ecur në rrugën e ndriçuar nga mësimet Tuaja marksiste-leniniste, Shqipëria, për herë të parë në historinë e saj mijërvjeçare, u bë një vend me të vërtetë i lirë e i pavarur, ku vetë populli është zot i plotfuqishëm, ku ndërtohet shoqëria socialiste, shoqëria më e përparuar e më e drejtë që ka njohur njerëzimi, ku zhvillohet me ritme të larta ekonomia e lulëzon kultura popullore.

Gjithë punonjësit e vendit tonë Ju shprehin mirënjohjen e tyre të pakufishme për gjithçka keni bërë për popullin e Atdheut, për jetën e lumtur që gëzojmë. Ju përshëndet e Ju uron klasa e çliruar punëtore, fshatarësia e rilindur socialiste, gruaja shqiptare e emancipuar, rinia jonë revolucionare, inteligjencia popullore.

Tërë jetën Tuaj, shoku Enver, të gjitha energjitë ia keni kushtuar çështjes së madhe të çlirimit të Atdheut e të fitores së revolucionit, ndërtimit të socializmit në vendin tonë. Në veprën Tuaj janë mishëruar tiparet më të mira të udhëheqësit revolucionar, të urtë e larg-

pamës, të patriotit të flaktë e të internacionalistit konsekuent. Në mënyrë krijuese Ju keni zbatuar në vendin tonë mësimet e marksizëm-leninizmit dhe si nxënës besnik i Marksit, Engelsit, Leninist e Stalinit keni mbrojtur e zhvilluar më tej idetë e tyre në kushtet e kohës së sotme dhe në luftë të papajtueshme me renegatët e armiqtë e komunizmit.

Në ditët e errëta të pushtimit e të shtypjes së egër fashiste Ju, shoku Enver, bashkë me komunistët e vërtetë shqiptarë, kryet veprën që do të shënonte kthesën rrënjësore në fatet e popullit e të vendit tonë: themeluar Partinë tonë heroike. Populli shqiptar siguroi udhëheqjen e tij besnike, që do t'i tregonte atij rrugën e luftës për çlirimin kombëtar e shoqëror, rrugën e ndritur të socializmit.

Partia jonë ka pasur kurdoherë një vijë të drejtë revolucionare. Kjo i detyrohet faktit që Ju, në krye të Komitetit Qendror, keni luftuar dhe shkrië tërë forcat Tuaja që Partia të vihet mbi baza të shëndosha ideologjike e organizative marksiste-leniniste, të edukohet dhe të bëhet një parti e vërtetë proletare, një parti që do t'u rezistonte të gjitha provave dhe do ta kryente me nder detyrën e saj revolucionare përpara popullit të vet e proletariatit botëror.

Partia jonë, me Ju në krye, shoku Enver, udhëhoqi epopenë më të lavdishme në historinë e luftërave shekullore të popullit tonë, Luftën Antifashiste Nacionalçlirimtare, revolucionin e madh popullor. Sipas mësimëve Tuaja e nën udhëheqjen Tuaj, Partia realizoi atë bashkim të madh të popullit në Frontin Nacionalçlirimtar, i paparë për nga forca, kohezioni e vitaliteti i tij. Juve u takon merita historike që luftën për çlirimin kombëtar Partia jonë e lidhi ngushtë dhe e bashkoi në një të vetme me çështjen e përmbysjes së pushtetit të vjetër e të vendosjes së pushtetit popullor. Në komandën Tuaj Ushtria e lavdishme Nacionalçlirimtare, me përkrahjen e mbarë popullit, çliroi me forcat e veta vendin dhe siguroi fitoren e rendit demokratik popullor. Ju, shoku Enver, keni dhënë një kontribut të madh për forcimin, modernizimin e revolucionarizimin e Ushtrisë Popullore e të strukturave të tjera të mbrojtjes, për përpunimin e Artit tonë Ushtrarak Popullor. Në kujdesin Tuaj të drejtpërdrejtë, Atdheu ynë socialist ka sot një mbrojtje të çeliktë, të garantuar nga tërë populli i armatosur.

Dyzet e dy vjet më parë, populli u besoi komunistëve shqiptarë fatet e veta dhe të ardhmen e Atdheut. Partia jonë, me Ju në krye, shoku Enver, e meritoi këtë besim me veprën e saj të madhe: çlirimin e vendit, fitoren e revolucionit popullor dhe krijimin e Shqipërisë socialiste. E ndriçuar nga mësimet Tuaja marksiste-leniniste, shoku Enver, Partia krijoi armën e fuqishme të revolucionit fitimtar, shtetin tonë të ri, themelet e të cilit u hodhën në vitet e zjarrta të Luftës Nacionalçlirimtare. Duke ecur në rrugën e treguar prej Jush e në sajë të kujdesit të vazhdueshëm të Partisë, diktatura e proletariatit në vendin tonë qëndron e pa-tundur, është zhvilluar e lulëzon demokracia socialiste, masat e gjera punonjëse marrin pjesë aktive në qeverisjen e vendit, thonë fjalën e tyre për gjithçka e për këdo. Porositë Tuaja për çrrënjosjen e buro-

kratizmit e të liberalizmit qëndrojnë në themel të procesit të pandërprerë të revolucionarizimit të pushtetit tonë popullor. Ju, shoku Enver, jeni frymëzuesi e krijuesi i Kushtetutës sonë, e cila sanksionon fitoret e mëdha të arritura nga populli e Partia dhe mishëron tiparet e një shoqërie të vërtetë socialiste.

Vepra e Partisë dhe mësimet Tuaja, i dashur shoku Enver, janë mishëruar në realitetin e gjallë të Shqipërisë së re socialiste, të ndërnuat orientimet dhe udhëhoqët në praktikë luftën historike për futjen e Shqipërisë në rrugën e socializmit, për realizimin e shndërrimeve të mëdha ekonomike e shoqërore, për industrializimin socialist dhe kolektivizimin e bujqësisë, për kryerjen e një revolucioni të thellë në fushën e ideologjisë e të kulturës, për edukimin e njeriut të ri të shoqërisë sonë.

Atdheu ynë, duke ecur në rrugën që na tregon Partia, ka ndryshuar krejtësisht pamjen. Brenda një periudhe të shkurtër, prej më pak se katër dekadash, u bë ajo që s'që bërë në shekuj. Nga vendi më i varfër i Evropës, i varur për çdo gjë nga të huajt, Shqipëria është sot një vend socialist i përparuar, me një ekonomi të zhvilluar, të qëndrueshme e të pavarur, atdhe i njerëzve të lirë nga çdo shtypje sociale e shpirtërore, vend i mirëqenies në rritje për të gjithë, i arsimit, e i kulturës për masat më të gjera të popullit. Ajo është vendi që nuk i shtrin dorën askujt për kredi e borxhe, por ndërton socializmin dhe mbrohet duke u mbështetur në forcat e veta, vendi që nuk e përkul kokën përpara asnjë presioni e diktati, por ndjek pa iu trembur syri rrugën e vet revolucionare, vendi që nuk njihë kriza, degjenerim dhe plagët e tjera të rënda, të cilat në ditët tona gërryejnë nga themelet tërë sistemin kapitalistorevizionist botëror.

Populli dhe komunistët shqiptarë të gjitha këto fitore ia dedikojnë Partisë sonë trime, vijës së saj të drejtë marksiste-leniniste, ua dedikojnë Juve, shoku Enver, udhëheqësit të dashur të Partisë e të popullit tonë.

Rruga e Partisë është rruga e një lufte të lavdishme e heroike. Partisë dhe popullit tonë u është dashur të përballojnë plot vështirësi e pengesa, të kapërcejnë prapambetjen e trashëguar nga e kaluara, të ndeshen dhëmb për dhëmb me veprimtarinë e armiqve të brendshëm e të jashtëm, të hapët e të maskuar, që janë përpjekur të pengojnë përpunimin dhe zhvillimin tonë, të minojnë revolucionin e të përmbysin socializmin në Shqipëri. Në të gjitha këto beteja ne kemi dalë kurdoherë fitimtarë. Kjo i detyrohet vijës së drejtë të Partisë, vigjilencës së lartë të saj dhe zhvillimit me konsekuencë të luftës së klasave, i detyrohet largpamësisë e mprehtësisë politike, qëndrimeve të papërkulura dhe orientimeve Tuaja marksiste-leniniste. Këto kanë bërë që revolucionin ynë të ecë kurdoherë përpara, që liria e pavarësia e Atdheut të ruhen e të konsolidohen, që rendi ynë socialist të forcohet vazhdimisht, që t'i mbyllën shtigjet degjenerimit borgjezo-revizionist e këthimit prapa në kapitalizëm.

Një faqe të ndritur në historinë e Partisë e të vendit tonë përbën lufta parimore e paepur kundër imperializmit e socialimperializmit, me atë amerikan e sovjetik në krye, dhe kundër revizionizmit modern të

të gjitha ngjyrave — titizmit, hrushovizmit, eurokomunizmit e maoizmit. Në këtë luftë, të zhvilluar për çështjet e mëdha parimore të lëvizjes komuniste e revolucionare botërore, në përkrahje e në interes të forcave marksiste-leniniste, të proletariatit e të popujve, të mbrojtjes së paqes e të sigurimit ndërkombëtar, kanë dalë në pah me një forcë të madhe besnikëria e pafund e Partisë sonë ndaj marksizëm-leninizmit, principialiteti i palëkundur dhe pavarësia e mendimit të saj. Kjo luftë, që Ju, shoku Enver, e keni udhëhequr me një urtësi, vendosmëri e guxim të rrallë revolucionar, ka qenë dhe është jetike për vetë Partinë tonë, për mbrojtjen e pavarësisë dhe të interesave kombëtare të Atdheut tonë socialist e të mbarë popullit shqiptar. Ajo ka qenë dhe është me rëndësi edhe për të gjithë marksistë-leninistët e revolucionarët e vërtetë, për triumfin e çështjes së revolucionit e të socializmit.

Politika e jashtme revolucionare e internacionaliste e Partisë dhe e shtetit tonë, e përpunuar dhe e zbatuar nën udhëheqjen Tuaj, ka bërë që zëri i Shqipërisë të dëgjohet e të respektohet. Ajo ka rritur shumë autoritetin e prestigjin e saj në arenën ndërkombëtare dhe i ka siguruar vendit tonë përkrahjen e fuqishme të popujve e të forcave revolucionare.

Gjithë rruga e Partisë sonë të Punës, e revolucionit dhe e ndërtimit tonë socialist, politika e brendshme dhe e jashtme që është ndjekur në çdo etapë të zhvillimit tonë, sipas mësimeve Tuaja e nën udhëheqjen Tuaj të drejtpërdrejtë, përbëjnë një përvojë revolucionare me vlera të mëdha teorike e praktike.

Kjo përvojë origjinale ka gjetur pasqyrim e përgjithësim të thellë shkencor në veprën Tuaj teorike, në shkrimet Tuaja të shumta dhe në gjithë ato materiale të rëndësishme të Partisë që janë hartuar nën drejtimin Tuaj. Ato përfaqësojnë një vepër kolosale të gjithanshme dhe përbëjnë një kontribut me vlerë të madhe në pasurimin dhe zhvillimin e teorisë marksiste-leniniste. Nga ky thesar i paçmuar komunistët dhe punonjësit tanë nxjerrin mësime shumë të vlefshme për punën e luftën e tyre të përditshme, për mbrojtjen e fitoreve të revolucionit dhe ndërtimin me sukses të socializmit.

I dashur shoku Enver,

Jeta dhe veprimtaria Juaj revolucionare janë për ne një shembull i shkëlqyer, nga i cili mësojmë e udhëhiqemi që t'ua kushtojmë të gjitha forcat tona idealeve të larta komuniste, çështjes së madhe të Partisë, të revolucionit e të socializmit, mbrojtjes së interesave të popullit e të Atdheut tonë të dashur socialist. Ne, shokët e nxënësit Tuaj, që kemi fatin e madh të punojmë nën drejtimin Tuaj, mësojmë e frymëzohemi nga lufta dhe puna Juaj si të forcojmë pareshtur Partinë tonë të shtrenjtë, si të forcojmë unitetin e mendimit e të veprimit të saj, lidhjet e saj të pandashme me popullin, rolin e saj udhëheqës, si të ruajmë kurdoherë të pastër ideologjinë tonë fitimtare, marksizëm-leninizmin. Ne mësojmë shumë nga metoda e stili Juaj në punë, nga principialiteti i lartë në zgjidhjen e çdo çështjeje, nga vigjilenca revolucionare ndaj armikut e ndaj çdo gjëje të huaj, nga urtësia e gjykimeve dhe vendos-

mëria në qëndrime, nga shpirti i iniciativës e guximi komunist.

Ne mësojmë e përvetësojmë nga Ju virtytet e mëdha të popullit e të klasës sonë punëtore, atdhedashurinë e flaktë, frymën luftarake dhe shpirtin e sakrificës, dashurinë e thellë për shokët e për njerëzit e punës, thjeshtësinë proletare dhe fisnikërinë e popullit tonë. Me shembullin Tuaj, Ju na mësoni se puna e palodhur për ndërtimin e socializmit, devotshmëria ndaj marksizëm-leninizmit, dashuria dhe besnikëria pa kufi për popullin e Partinë janë ato tipare themelore që duhet të karakterizojnë komunistin aktiv e militant.

Ju sigurojmë, shoku Enver, se do të ecim kurdoherë të papërkulur në rrugën marksiste-leniniste që na tregoni Ju dhe do të zbatojmë me besnikëri e konsekuencë mësimet Tuaja të çmuara. Në udhëheqjen Tuaj të sigurt, Partinë dhe popullin tonë e presin gjithnjë fitore të mëdha.

Me rastin e 75-vjetorit të lindjes, Ju urojmë edhe një herë, i dashur shoku Enver, jetë të gjatë dhe shëndet të plotë, punë e luftë të frytshme për të mirën e Partisë, për lumturinë e popullit tonë, për përparimin dhe forcimin e mëtejshëm të socializmit në Shqipëri, për lavdinë e marksizëm-leninizmit.

## KOMITETI QENDROR I PARTISË SË PUNËS TË SHQIPËRISË

Tiranë, më 16 Tetor 1983

## FJALA E SHOKUT ENVER HOXHA ME RASTIN E MARRJES SË PËRSHËNDETJES TË KOMITETIT QENDROR TË PARTISË\*

Shokë të mi të dashur,  
Megjithëse sot mbush 75 vjeç, e ndiej veten të ri, pse jam komunist dhe për komunistët s'ka pleqëri.

Partia dhe populli po më bëjnë shumë ndere, që më prekin dhe më emocionojnë shumë. Partia dhe populli, atdheu dhe socializmi janë gjithçka për mua, jeta, gëzimi, besimi në të ardhmen e tyre të ndritur.

S'ka mision më të lartë për njeriun sesa të jetosh, të punosh, të luftosh me popullin e për popullin. Ky mendim dhe ky besim më kanë udhëhequr edhe mua gjithë jetën, prandaj jam komunist.

Marksizëm-leninizmi është projektori që ndriçon mendjen e ndërjegjen e njerëzve dhe rrugën e popujve për çlirim e revolucion. Ai, si shkenca e zhvillimit shoqëror, të tregon rrugën për veprim, për luftim, për krijim, për transformim të shoqërisë drejt socializmit e komunizmit.

Teoria e lavdishme e marksizëm-leninizmit e ka udhëhequr, e udhëheq Partinë tonë heroike në gjithë betejat e luftës e të punës dhe i ka siguruar gjithë këto fitore që gëzon sot populli ynë.

Shqipëria jonë socialiste ecën vazhdimisht përpara me guxim, flet lirisht, ashtu si mendon, nuk frikësohet nga askush, i do popujt, e do paqen dhe lufton kundër armiqve të saj imperialistë, socialimperialistë e forcave reaksionare e agresive të çdo lloji.

Në furtunat dhe në stuhitë, nëpër të cilat po kalon njerëzimi, populli ynë i vogël, por trim, bujar, i thjeshtë, i mençur, punëtor dhe i drejtë, qëndron i papërkulur, i palëkundur, ashtu si malet tona.

Të gjitha këto virtyte e kanë mbrojtur dhe e kanë mbajtur gjallë popullin tonë. Për këtë ai ka të drejtë të jetë krenar. Për këtë popull edhe ne kemi të drejtë të jemi krenarë.

Ideologjia e Partisë u pleks fort me të gjitha virtytet e lavdishme të

\* Më 16 tetor 1983 shokët e Byrosë Politike të Komitetit Qendror të Partisë uruan shokun Enver Hoxha me rastin e 75-vjetorit të ditëlindjes dhe i dorëzuan Përshëndetjen e Komitetit Qendror të Partisë. Duke marrë Përshëndetjen, shoku Enver falenderoi nga zemra Partinë dhe Komitetin Qendror të saj për urimet që iu bënë.

## Fjala e shokut Enver Hoxha me rastin e marrjes së Përshëndetjes

popullit tonë. Fara e mirë ra në një terren bujar dhe mbiu e shëndetshme. Parti e popull ndenjën në këmbë e syhapur për ta rritur këtë farë bujare, prandaj Shqipëria socialiste lulëzon.

Uniteti Parti-popull mbetet vendimtar për të gjitha kohët, ai është burim i forcës, i mendimit krijues, i fitoreve revolucionare. Armiqtë tanë të çfarëdollojtë kjo forcë i shtyp. Uniteti brenda në Parti, për mbrojtjen e marksizëm-leninizmit, dhe uniteti në udhëheqje është faktori tjetër po aq vendimtar sa edhe uniteti Parti-popull.

Historia e Partisë sonë dhe historia e ish-partive të tjera komuniste ka vërtetuar dhe vërteton se armiku i klasës, për të dobësuar e penguar çështjen e madhe të klasës punëtore, të proletariatit botëror, përpiqet kurdoherë të godasë marksizëm-leninizmin dhe atë udhëheqje që e mbron këtë e i qëndron besnike.

Armiqtë tanë, të jashtëm dhe të brendshëm, shumë herë janë orvatur e do të orvaten edhe në të ardhmen ta bëjnë këtë kundër nesh, por ata kanë dështuar dhe do të dështojnë, derisa çdo hap që ne hedhim dhe do të hedhim në jetë e në luftën tonë do të jetë fryt i një reflektimi të urtë e gjakftohtë, që të përputhet me dëshirat dhe aspiratat e popullit, si dhe me ideologjinë e Partisë sonë, marksizëm-leninizmin.

Të mos kemi asnjëherë frikë nga armiqtë, t'i godasim ata kurdoherë që përpiqen e komplotojnë të përçajnë Partinë e popullin, kur përpiqen të errësojnë ose komplotojnë të dëmtojnë e të shkatërrojnë fitoret madhështore që ka arritur populli shqiptar me gjak e me djersë. Asnjë kompleks inferioriteti ose lëkundjeje nuk duhet të kemi ndaj armiqve, të brendshëm a të jashtëm qofshin, kur jemi në të drejtë. Në mbrojtjen e së drejtës qëndron forca e Partisë sonë e mbrojtur me forcën e popullit.

Kundër armiqve të jemi vigjilentë, të dimë ç'gatuajnë, por gjellën të mos ua hamë.

Duke ecur me vendosmëri në rrugën e Partisë, populli shqiptar do të jetë kurdoherë i lirë, i pavarur e sovran në atdheun e tij të lulëzuar e të begatë.

Shokë të dashur e bashkëluftëtarë,

Unë falenderoj me përunjësi Partinë dhe popullin për nderin që po më bëjnë, u jam atyre mirënjohës përjetë dhe u siguroj se, derisa të rroj, për asnjë minutë nuk do të harroj detyrat, që kam ndaj tyre.

Unë, të dashur shokë, s'kam bërë më shumë se ju e se shokët heroikë që dhanë jetën për çlirimin e atdheut dhe ndërtimin e socializmit.

Me popullin dhe tok me të ne, komunistët, i kemi vënë shpatullat punës dhe do të vazhdojmë ta bëjmë një gjë të tillë pa u lodhur për asnjë çast, pa kursyer asgjë, duke luftuar me vetëmohim, me guxim, me trimëri, me diturinë dhe mençurinë që na ka dhënë e na jep Partia, për lavdinë e Partisë dhe të popullit.

Me këtë rast, më lejoni t'ju falenderoj për gjithë kujdesin e dashurinë që tregoni ndaj meje. Bashkëpunimi juaj aktiv ma lehtëson barrën, më mbush zemrën me gëzim e me besim në të ardhmen, kur shoh me sa vetëmohim, entuziazëm e pjekuri të lartë punoni e luftoni

*Fjala e shokut Enver Hoxha me rastin e marrjes së Përshëndetjes*

për realizimin e detyrave që ju ka ngarkuar Partia e populli. Puna juaj, e gjithë Partisë dhe e popullit, dashuria juaj, e gjithë komunistëve dhe e popullit, më japin forca e më rinojnë. Kur Partia është e fortë dhe e bashkuar, kur populli është i fortë e i bashkuar, unë ndiej një kënaqësi të tillë, të pakufishme, që më bën më të fortë e më zgjat jetën.

Të gjithëve ju faleminderit.

Qofshin gjithmonë të gëzuar Partia, populli dhe ju, të dashur shokë.

Jua shpërblefsha në gëzime.

**Nga punimet e Konferencës Shkencore  
kushtuar mendimit teorik marksist-leninist  
të PPSH dhe të shokut Enver Hoxha\***

**FJALA E SHOKUT RAMIZ ALIA**

Shokë dhe shoqe,

Sot fillon punimet Konferenca Shkencore kushtuar studimit të mendimit teorik të Partisë sonë të Punës dhe të shokut Enver Hoxha.

Kurdoherë është mirë të mendojmë e të reflektojmë mbi historinë e luftërave revolucionare të zhvilluara nën udhëheqjen e Partisë, të betejave madhështore për ndërtimin e socializmit e mbrojtjen e atdheut, të shohim nga jemi nisur e ku kemi arritur. Kjo na ndihmon të sintetizojmë përvojën e fituar, të nxjerrim mësimë të dobishme për punën tonë të përditshme dhe të qartësojmë perspektivën.

Me të drejtë krenohemi për industrinë tonë të re, për fabrikat e kombinatet, për fushat e transformuara, për shkollat e spitalet, për gjithë atë begati materiale e shpirtërore që ka sjellë socializmi. Por jo më pak kemi të drejtë të krenohemi për atë mënjuni, dituri e urtësi të Partisë sonë të Punës me shokun Enver Hoxha në krye, që programi dhe udhëhoqi realizimin e këtyre transformimeve, që diti të gjejë udhët më të përshtatshme për zgjidhjen e problemeve historike që qëndronin përpara vendit. Nuk do të ishte e tepërt të thoshim se përvoja e revolucionit tonë popullor dhe e ndërtimit të socializmit, mendimi marksist-leninist i Partisë dhe i shokut Enver Hoxha përbëjnë pasurinë tonë më të madhe, në kuptimin që përvetësimi dhe zbatimi i tyre me korrektësi e konsekuencë garantojnë atë që kemi arritur deri më sot dhe na sigurojnë ecjen e pandalshme përpara drejt komunizmit.

Konferenca jonë i zhvillon punimet e saj në prag të 75-vjetorit të ditëlindjes së shokut Enver Hoxha. Me këtë ne duam të shprehim dashurinë tonë të zjarrtë për udhëheqësin e shquar të Partisë e të popullit tonë, respektin e thellë dhe admirimin e madh për jetën e ve-

\* Konferenca i zhvilloi punimet në Tiranë më 3-4 tetor 1983. Në të u mbajtën nëntë referate. Në këtë numër të revistës po botojmë katër prej tyre. Pesë të tjerat do të botohen në numrin e ardhshëm.